

Ministarstvo unutrašnjih poslova Kantona Sarajevo, La Benevolencija 16 koje zastupa
Ministar Admir Katica (u daljem tekstu: Kupac)

i

SHOT d.o.o. Zenica, Zmajevačka cesta 55C, ID: 4218126090005 koje zastupa direktor Vedran
Ključanin (u daljem tekstu: Dobavljač),

zaključili su:

ANEKS 3 UGOVORA O NABAVCI VIŠENAMJENSKOG HELIKOPTERA SA PRATEĆOM OPREMOM

Član 1.

Ugovorne strane saglasno konstatuju da su dana 04.06.2024. godine zaključile Ugovor o nabavci višenamjenskog helikoptera sa pratećom opremom br: 05-1-30-1-3436-16 od 04.06.2024. godine, te da su iste zaključile Aneks 1 Ugovora o nabavci višenamjenskog helikoptera sa pratećom opremom br: 05-1-30-1-3436-16 od 30.09.2024. godine i Aneks 2 Ugovora o nabavci višenamjenskog helikoptera sa pratećom opremom br: 05-1-30-1-3436-16 od 27.01.2025. godine.

Član 2.

Kupac do dana zaključenja ovog Aneksa, iz objektivnih razloga, nije dostavio detaljne tehničke specifikacije opreme za koju je predviđena ugradnja pripremni elementa (*provisions* pod tačkama 26–29 Dodatka 1 i Dodatka 3 osnovnog ugovora), što je članom 2. osnovnog Ugovora bio dužan učiniti najkasnije u roku od 12 (dvanaest) mjeseci od dana potpisivanja ugovora, odnosno do 04.06.2025. godine.

S obzirom na navedeno, nastale su nove okolnosti koje se direktno odražavaju na obim i način realizacije ugovora i to:

- a) Nemogućnost blagovremene dostave tehničke dokumentacije od strane Kupca onemogućuje završetak dizajna i zaključivanje konačne konfiguracije helikoptera sa pripremnim elementima i svom dodatnom opremom, što direktno utiče na rokove završetka proizvodnje i isporuke;
- b) Stavke 24. (Pripremnii elementi za Trakka Beam TLX reflektor), 25. (Reflektor – Trakka Beam TLX) i 30. (HEC – Human External Cargo) tehnički su povezane sa sistemima za koje Kupac nije dostavio tehničku dokumentaciju (EORI sistem kamera, zračni odašiljač, dvokanalni video snimač, operatorska konzola, sistem za mapiranje proširene stvarnosti itd.), te zbog toga integracija ovih komponenti u ovoj fazi nije moguća niti je racionalna jer su svi navedeni elementi povezani sa certifikacijom i odobrenjem za plovidbenost helikoptera navedenim u članu 16. Ugovora;

Zbog navedenih okolnosti potrebno je organizovati isporuku Helikoptera na način da će se izvršiti naknadna ugradnja pojedinih komponenti i pripremnih elemenata, kada Kupac dostavi tehničku specifikaciju dodatne opreme, kako bi se omogućilo da helikopter bude isporučen i stavljen u upotrebu u funkcionalnom stanju, a da se naknadna ugradnja dodatne opreme realizuje kada za to budu ispunjeni preduslovi od strane Kupca, tačnije kada Kupac Dobavljaču dostavi detaljne tehničke specifikacije opreme za koju je predviđena ugradnja pripremnih elemenata (*provisions*), kao i roka isporuke dodatne opreme koju je potrebno integrisati sa pripremnim elementima (*provisions*) od strane Kupca.

Sljedstveno navedenom neophodno je korigovati i način plaćanja definisan osnovnim ugovorom na način da Kupac plati iznos avansa u visini od **15.500.000,00 KM**, ne uključujući porez na

dodanu vrijednost (PDV), odnosno **18.135.000,00 KM** sa uračunatim PDV-om, a ostatak avansnog iznosa od **2.704.000,00 KM** ne uključujući porez na dodanu vrijednost, odnosno **3.163.680,00 KM** sa uračunatim PDV-om nakon tehničkog prijema Helikoptera na lokaciji Proizvođača u SAD, prije isporuke, te ostatak ugovorene cijene u iznosu **1.517.000,00 KM** ne uključujući porez na dodanu vrijednost (PDV), odnosno **1.774.890,00 KM** sa uračunatim PDV-om, nakon tehničkog prijema i certifikacije dodatne opreme definisane u Dodatku 3, koja će se ugraditi u Helikopter u Europskom centru Proizvođača za ugradnju i certificiranja.

Član 3.

S ciljem osiguranja uredne i pravovremene realizacije Ugovora iz člana 1. ovog Aneksa, kao i pratećih aneksa, ugovorne strane zaključuju ovaj aneks, kojim se vrši izmjena načina plaćanja iz člana 5. osnovnog Ugovora, načina fakturisanja iz člana 6. osnovnog Ugovora, garancija za dobro izvršenje ugovora iz člana 10. osnovnog Ugovora dodavanjem novog člana Ugovora br. 10a, te se vrši ugovaranje načina isporuke Helikoptera i pripadajuće opreme i usluga u količinama i po dogovorenim jediničnim i ukupnim cijenama, kako je navedeno u ponudi Dobavljača, Dodatku 1 - Konfiguracija Helikoptera, Dodatku 2 - Slike i tehničke karakteristike ponuđene robe po zahtjevu TD dodavanjem novog člana br. 7a.

Član 4.

Ugovorne strane saglasno utvrđuju da se mijenja član 5. (Način plaćanja) osnovnog Ugovora i da isti sada glasi:

Kupac će za kvalitetno i blagovremeno izvršene obaveze iz ovog Ugovora, plaćanje izvršiti na sljedeći način:

a. Iznos od 12.424.230,00 KM, odnosno 35% od ukupne vrijednosti ugovora, Kupac će Dobavljaču izvršiti u roku od 30 dana od dana obostranog potpisivanja ugovora, prijema predračuna, te bezuslovne bankarske garancije za obezbjeđenje avansa. U skladu sa odredbama Pravilnika o primjeni Zakona o porezu na dodatnu vrijednost Bosne i Hercegovine, avansna faktura će se izdati nakon priliva sredstava. Kupac je dužan u roku do 30 dana nakon zaključenja ugovora, izvršiti uplatu avansa na sljedeći način:

- 1. Iznos od 4.500.000,00 KM na račun BOSNA BANK INTERNATIONAL d.d. Sarajevo, broj računa: **1413 5553 2005 8108**,*
- 2. Iznos od 7.924.230,00 KM na račun UNICREDIT banka d.d. Sarajevo – Filijala Zenica, broj: **3389 0022 0935 0289**.*

b. Radi osiguranja valutne stabilnosti i nesmetane realizacije Ugovora, Kupac će izvršiti avansnu uplatu u iznosu od 18.135.000,00 KM sa uračunatim PDV-om, na osnovu revidiranog plana plaćanja.

U skladu s navedenim, Dobavljač se obavezuje da će, po evidentiranju navedene uplate, izdati knjižnu obavijest o umanjenju ukupne vrijednosti predmetnog Ugovora, pri čemu će konačni iznos umanjenja zavisiti od zvaničnog kursa USD na dan uplate Kupca. Navedena avansna uplata pokriva dio ukupne ugovorne vrijednosti Ugovora. Fakturisanje će biti izvršeno u skladu sa važećim zakonima i regulativom o fiskalnim sistemima i porezu na dodatnu vrijednost.

c. Nakon tehničkog prijema helikoptera na lokaciji Proizvođača u SAD i prije njegovog transfera u Europu, Kupac će izvršiti avansnu uplatu iznosa od 3.163.680,00 KM sa uračunatim PDV-om u roku od 15 dana od potpisivanja Zapisnika o kvalitativnom i kvantitativnom prijemu Helikoptera, čime će, zajedno s prethodno izvršenim avansima, biti ukupno uplaćeno 95% ugovorene vrijednosti. Nakon uplate, Dobavljač će izdati knjižnu obavijest o umanjenju ukupne vrijednosti ugovora u skladu sa uslovima tačke b. ovog člana. Kupac će

uplatu navedenog iznosa izvršiti na račun Dobavljača kod BOSNA BANK INTERNATIONAL d.d. Sarajevo, broj: **1413 5553 2005 8108**.

- d. Uplatu preostalog iznosa ugovorene cijene u visini od 1.774.890,00 KM sa PDV-om Kupac će izvršiti **u roku od 15 dana od** tehničkog prijema i certifikacije dodatne opreme definisane u Dodatku 3, koja će se ugraditi u Helikopter u Europskom centru Proizvođača za ugradnju i certificiranje, umanjeno za iznose izdatih knjižnih obavijesti. Kupac će uplatu navedenog iznosa u ovom članu izvršiti na račun BOSNA BANK INTERNATIONAL d.d. Sarajevo, broj računa: **1413 5553 2005 8108**.
- e. Po prijemu uplate iz Tačke b. i c. ovog člana, u roku do 120 dana, izvršit će se transport helikoptera iz SAD u Prag, tehnički prijem helikoptera u Pragu, prelet helikoptera iz Praga u Sarajevo i uvozna carinska procedura. Dobavljač će uplatiti poreske obaveze pri uvozu robe, stornirat će se izdati avansni računi, te će se izdati originalna faktura sa fiskalnim računom u iznosu **29.120.715,00 KM sa PDV-om**. Dobavljač će dostaviti dokumentaciju u skladu sa EASA pravilima za prijenos vlasništva za potrebe registracije Helikoptera od strane kupca u civilni registar BHDCA.
- f. Po prijemu uplate iz Tačke d. ovog člana, u roku do 30 dana, izvršit će se uvozna carinska procedura za opremu koja je ugrađena. Dobavljač će uplatiti poreske obaveze pri uvozu robe, te će se izdati originalna faktura sa fiskalnim računom u iznosu 5% ugovorene vrijednosti. Dobavljač će Kupcu dostaviti tzv. STC (Supplement Type Certificate) i obrazac Form 52 - Part 145 (Release to Service Certificate) za sve ugrađene dijelove opreme navedene u Dodatku 3.
- g. S obzirom na to da je Proizvođač Helikoptera koji Dobavljač isporučuje iz SAD-a, te sukladno ugovorenom roku isporuke Helikoptera od dana potpisivanja ugovora te uplate avansa (24 mjeseca), ugovorne strane su saglasne da će se eventualne kursne razlike između Konvertibilne marke i US aplicirati na ostatak uplata, a što će se utvrđivati po srednjem tečaju Centralne banke BiH, a sve u skladu sa Članom 75. ZJN.

Troškovi transfera novčanih sredstava su na teret Kupca.

Član 5.

Ugovorne strane saglasno utvrđuju da se mijenja član 6. (Način fakturisanja) osnovnog Ugovora i da isti sada glasi:

Fakturisanje će se vršiti sukcesivno u 3 (tri) faze, i to:

- a. I (prva) faza: Dio iznosa u visini od 4.602.195,00 KM sa uračunatim PDV-om biće fakturisan po ishodovanju EASA certifikata. Ovaj iznos obuhvataće troškove vezane za certifikaciju, obuku pilota i tehničara, rezervaciju transporta, pravne usluge i bankarske usluge. Avansna uplata pokriva dio ugovora, uključujući i navedene troškove. U skladu s tim, fakturisanje navedenih troškova ne bi podrazumijevalo dodatne uplate, već bi se isto evidentiralo kao dio izvršenja dijela predmetnog ugovora. Fakturisanje na ovaj način omogućuje transparentno i precizno knjigovodstveno evidentiranje svih troškova vezanih za isporuku helikoptera.
- b. II (druga) faza: Kupac će izvršiti uplatu dodatnog avansa u iznosu od 18.135.000,00 KM sa uračunatim PDV-om u cilju valutne zaštite. Nakon uplate, Dobavljač će izdati knjižnu obavijest o umanjenu ukupne vrijednosti ugovora, u zavisnosti od kursa USD na dan uplate. Navedeni iznos se knjiži kao izvršenja dijela ugovora. U skladu sa Zakonom o fiskalnim sistemima („Sl. novine FBiH broj: 81/09) i Zakonom o porezu na dodatnu vrijednost BiH („Sl. novine BiH, broj: 93/2005) avansna faktura sa fiskalnim računom će se izdati za navedeni iznos. Nakon tehničkog prijema Helikoptera na lokaciji Proizvođača u SAD, prije isporuke, Kupac će izvršiti uplatu preostalog dijela iznosa za Helikopter, tj. 3.163.680,00 KM sa uračunatim PDV-om. Nakon uplate, Dobavljač će izdati knjižnu obavijest o umanjenu

ukupne vrijednosti ugovora, u skladu sa uslovima prethodne uplate. U skladu sa Zakonom faktura sa fiskalnim računom će se izdati za iznos od 29.120.715,00 KM sa PDV-om.

- c. III (treća) faza: Nakon tehničkog prijema i certifikacije dodatne opreme definisane u Dodatku 3, koja će se ugraditi u Helikopter u Europskom centru Proizvođača za ugradnju i certificiranje, Kupac će izvršiti uplatu ostatka ugovorene cijene Ugovora u iznosu 1.774.890,00 KM sa PDV-om, odnosno 5% ukupne vrijednosti predmetnog ugovora, umanjenu za iznos izdate knjižne obavijesti shodno prethodnoj fazi fakturisanja (stav b. - II (druga) faza). U skladu sa Zakonom o fiskalnim sistemima („Sl.novine FBiH broj: 81/09) i Zakonom o porezu na dodatnu vrijednost BIH („Sl.novine BIH, broj: 93/2005) faktura sa fiskalnim računom će se izdati nakon priliva navedenog iznosa.

Član 6.

Ugovorne strane saglasno utvrđuju da iza člana 7. (Prihvat i isporuka) osnovnog Ugovora, se dodaje član 7a. i da isti glasi:

Ugovorne strane saglasno utvrđuju da će se isporuka Helikoptera i pripadajuće opreme i usluga u količinama i po dogovorenim jediničnim i ukupnim cijenama, kako je navedeno u ponudi Dobavljača, Dodatku 1 - Konfiguracija Helikoptera, Dodatku 2 - Slike i tehničke karakteristike ponuđene robe po zahtjevu TD, kao i svim eventualnim izmjenama i dopunama osnovnog Ugovora izvršiti na način da će se Helikopter isporučiti u potpunosti operativan sa svom pripadajućom opremom, sa izuzetkom stavki navedenih u Dodatku 1 u dijelu „Prilagođavanje“ pod rednim brojevima: 24-30, također navedenih u Dodatku 3. U skladu s tim, sljedeće stavke će biti naknadno ugrađene i isporučene - kada kupac dostavi detaljnu specifikaciju opreme za koju je potrebno ugraditi pripremljene elemente (eng. provisions):

- Pripremljeni elementi za Trakka Beam TLX reflektor (tačka 24 specifikacije),
- Reflektor Trakka Beam TLX (tačka 25. specifikacije),
- Pripremljeni elementi (tačke 26–29 specifikacije),
- HEC (Human External Cargo) sistem (tačka 30 specifikacije).

Ugovorne strane konstatuju da se navedene komponente mogu nesmetano naknadno ugraditi na helikopter, te da naknadna ugradnja ovih komponenti ne utiče na funkcionalnost helikoptera za predviđenu namjenu. Sljedstveno navedenom, ugovorne strane su saglasne da će termin ugradnje navedene dodatne opreme i izvođenje postupka certifikacije biti definisan kada kupac dostavi detaljnu specifikaciju opreme za koju je potrebno ugraditi pripremljene elemente (eng. provisions). Njihova naknadna ugradnja neće uticati na garancijske rokove i neće zahtijevati novu certifikaciju helikoptera u cjelini, već samo pojedinačnu certifikaciju integriranih sistema, i biće predmet posebnog zapisnika o tehničkoj integraciji koji će potpisati obje strane nakon ugradnje. U cilju nastavka nesmetane realizacije ugovora, konfiguracije i proizvodnje helikoptera, ugovorne strane su saglasne da se integracija stavke 23. - „Motorola VHF DM4000“ radio-stanica iz Dodatka 3 Ugovora izvrši na lokaciji Proizvođača u Sjedinjenim Američkim Državama, umjesto u Europskom centru Proizvođača za ugradnju i certificiranje dodatne opreme.

Član 7.

Ugovorne strane saglasno utvrđuju da iza člana 10. (Garancija za dobro izvršenje ugovora) osnovnog Ugovora, se dodaje član 10a. i da isti glasi:

S obzirom na izmijenjeni plan realizacije ugovora, isporuke helikoptera i dodatne opreme, ugovorne strane saglasno utvrđuju da će Dobavljač, nakon uredno izvršene isporuke helikoptera Kupcu, podnijeti zahtjev za povrat izdate bankarske garancije za dobro izvršenje ugovora u iznosu od 3.549.780,00 KM i bankarske garancije za avansno plaćanje, a istovremeno će Kupcu dostaviti novu, originalnu i neoštećenu garanciju za dobro izvršenje ugovora, isključivo za dio koji se odnosi na dodatnu opremu definisanu u Dodatku 3 ugovora, koja će se ugraditi u helikopter u Europskom centru Proizvođača za ugradnju i certificiranje.

Nova garancija će biti u obliku безусловne bankarske garancije u iznosu od 10% od preostalog dijela ugovorene vrijednosti koji se odnosi na dodatnu opremu, tj. 177.489,00 KM sa PDV-om, sa istim klauzulama kao i prvobitno izdata garancija za uredno izvršenje ugovora, uključujući i klauzulu plativosti korisniku garancije u cijelosti i bez prava prigovora, te rokom važenja koji pokriva rok izvršenja preostalih ugovornih obaveza +30 (trideset) dana.

Pokriće iz bankarskih garancija ne oslobađa Dobavljača odgovornosti do potpunog izvršenja svih ugovornih obaveza i naknade eventualne štete.

Ukoliko ne nastupi nijedan od slučajeva koji bi zahtijevao realizaciju garancije, Kupac će izvršiti povrat važeće garancije za uredno izvršenje posla u roku od deset (10) dana od dana podnošenja zahtjeva Dobavljača.

Član 8.

Ostale odredbe Ugovora o nabavci višenamjenskog helikoptera sa pratećom opremom se ne mijenjaju, osim u dijelovima koji su ovim Aneksom izričito izmijenjeni.

Član 9.

Ovaj aneks je sklopljen u šest (6) istovjetnih primjeraka, od kojih po tri (3) zadržava svaka ugovorna strana.

Član 10.

Ovaj aneks stupa na snagu danom potpisivanja ovlaštenih predstavnika i traje do realizacije osnovnog ugovora.

Dobavljač:
SHOT d.o.o. Zenica



Direktor Vedran Ključanin
Broj: 24-025-KRI
Datum: 27. 10. 2025. god.



Kupac:
Ministarstvo Obrane
Sarajevo

Ministar Admir Katica

Broj:

Datum: 27. 10. 2025. god.